

## ПРОТОПОП АВВАКУМ КНИГА БЕСЕД

[ОБ ИКОННОМ ПИСАНИИ]

...По попущению божию умножися в нашей Руской земли иконнаго писма неподобнаго изюграфы<sup>1</sup>. Пишут от чина меншаго, а велиции власти соблаговоляют им, и вси грядут в пропасть погибели, друг за друга уцепившися, по писанному: слепый слепца водяй, оба в яму впадутся, понеже в нощи неведен и я шатаются; а ходяй во дне не поткнется, понеже свет мира сего видит, еже есть: просвещенный светом разума опасно зрит коби<sup>2</sup> и кознования<sup>3</sup> еретическая и потонку понимает вся нововводная, не увязает в советех, яже умышляют грешнии. Есть же дело настоящее: пишут спасов образ Еммануила, лице одутловато, уста червонная, власы кудрявые, руки и мышцы толстые, персты надутые, тако же и у ног бедра толстыя, и весь яко немчин брюхат и толст учинен, лишо сабли той при бедре не писано. А то все писано по плотскому умыслу, понеже сами еретицы возлюбиша толстоту плотскую и опровергоша долу горняя. Христос же Бог наш тонкостны чувства имея все, якоже и богословцы научают нас. Чти в "Маргарите"<sup>4</sup> слово Златоустаго на рождество богородицы; в нем писано подобие Христова и богородичино: ни близко не находило, как ныне еретицы умыслиша. А все то кобель борзой Никон, враг, умылил, будто живыя писать, устрояет все по фряжьскому, сиречь по немецкому. Якоже фрязи пишут образ благовещения пресвятыя богородицы, чреватую, брюхо на колени висит, – во мгновении ока Христос совершен во чреве обретесе! А у нас в Москве в "Жезле"<sup>5</sup> книге написано слово в слово против сего: в зачатии-де Христос обретесе совершен человек, яко да родится. А в другом месте: яко человек тридесяти лет. Вот смотрите-су, добрыя люди: коли з зубами и з бороною человек родится! На всех на вас шлюся от мала и до велика: бывало ли то от века? Пуще оне фрягов тех напечатали, враги божи. Мы же, правовернии, тако исповедуем, яко святии научают нас, Иван Дамаскин и прочии: в членах, еже есть в составех, Христос, Бог наш, в зачатии совершен обретесе, а плоть его пресвятая по обычаю девятомесечно исполняшесе; и родися младенец, а не совершен муж, яко 30 лет. Вот иконники учнут Христа в рождестве з бороною писать, да и ссылаются на книгу ту: так у них и ладно стало. А богородицу чреватую в благовещение, яко же и фрязи поганья. А Христа на кресте раздутова; толстехунек миленькой стоит, и ноги те у него, что стулчики. Ох, ох, бедная Русь, чего-то тебе захотелось немецких поступов и обычаев!..

---

<sup>1</sup> Изюграф – иконописец.

<sup>2</sup> колдовство

<sup>3</sup> коварство, хитрые проделки

<sup>4</sup> «Маргарит» – собрание «слов» (поучений) Иоанна Златоуста. Маргарит (греч.) – жемчужина.

<sup>5</sup> Речь идет о книге Симеона Полоцкого «Жезл правления» – полемическом трактате против «староверия».